



Protocol da la 27avla radunanza generala da la PSR

venderdi, ils 23 da mars 2019 a las 18:30 – 19:10
restaurant Stern, Reichsgasse 11, Cuir

Preschents: Annetta Zini, Flurin Bundi, Dominic Blumenthal, Jon Bischoff, Martin Cantieni, Clau Dermont, Georges e Rosita Darms, Angelica Augustin, Martin Cabalzar, Gion-Andri Cantieni, David Truttmann, Hans Fäh, Jon Domenic Parolini, Bernard Cathomas, Anton Capaul, Martin Cabalzar, Otmar Caduff, Gabriela Tomatschett-Berther

Giasts: Conradin Klaiss, LR

Perstgisads: Barbla Etter, Nicolina Cathomen-Giossi, Petra Camathias, Jeannette e Johan Cantieni, Martin Candinas, Duri Bezzola, Paul Monn, Anna-Alice Dazzi, Annalisa Schaniel, Jacques Guidon, Claudia Cadruvi, Martin Gabriel, Duri Bezzola, Paul Monn, Johannes Flury, Florentin Lutz

1. Bainvegni

Il copresident Clau Dermont beneventa cordialmain tut ils preschents a la radunanza e fa in salid spezial a Jon Domenic Parolini sco represchentant da la Regenza grischuna.

Las tractandas vegnan acceptadas unanimamain.

2. Elecziun dal dumbravuschs

Jon Domenic Parolini surprenda il post sco dumbravuschs. Totalmain pon 19 commembers votar.

3. Protocol da la radunanza da l'uniun dals 13 d'avrigl 2018

Il copresident lascha circular il protocol da la davosa radunanza generala da l'onn passà.

La radunanza generala approvescha unanimamain il protocol da la 26avla radunanza dals 13 d'avrigl 2018 suenter avoir gì invista en quest durant la radunanza generala.

4. Rapport annual 2018

Il suprastant Flurin Bundi prelegia in pèr puncts essenzials dal rapport annual 2018:

- Medias: La maisa radunda è vegnida organisada vinavant ensemen cun la Lia Rumantscha. Suenter è la PSR sa participada a la gruppa creativa per guardar co vinavant cun las medias. En pli avain nus fatg part dal dialog da las medias.

- Na a No Billag: creaziun da las figuras ficziunalas Flurin ed Ursina che han prendì posiziun encunter l'iniziativa no billag. En pli organisà a la staziun da Turitg in event ensemen cun autras uniuns rumantschas e la PGI cunter l'iniziativa.
- Digitalisaziun: Hackathon dal Forum Helveticum, nua che divers suprastants da la PSR èn sa participads. Il project è vegnì dotà cun in premi da 2000.- CHF che duai sa sviluppar vinavant. Il suprastant Martin preschenta curtamain il prototip cun in pledari zuppà en il cursor durant la radunanza generala.
- Inscunter 2018: n'ha deplorablmain betg gè lieu, quai pervia da mancanza d'annunzias. La PSR è vidlonder da studegiar co pudair surlavurar il concept.

La radunanza generala approvescha unanimamain il rapport annual.

5. Quint 2018

Il suprastant e secretari Martin Cantieni preschenta il quint 2018. El menziuna las expensas per il project Na a No Billag. Il quint concluda cun expensas da 17'999.15 CHF ed ina facultad da 39'899.03 CHF per la fin da l'onn 2018.

6. Rapport dals revisurs

Ils revisurs Nicolina Cathomen-Giossi e Beat Hosang attesteschon ina buna lavur al secretari Martin Cantieni. Ils revisurs proponan a la radunanza d'acceptar il quint annual e la bilantscha 2018.

Sco proponì dals revisurs approveschan ils commembers da la PSR il quint 2018 unanimamain.

7. Distgargia dals organs

Sco proponì dals revisurs dattan ils preschents unanimamain distgargia als organs da la PSR.

8. Contribuziuns annualas 2019

Ils commembers da la PSR decidan da laschar las contribuziuns annualas sco fin ussa: Commembers singuls pajan 30.00 CHF, conjugals 50.00 CHF, personas giuridicas 120.00 CHF e giuvenils (fin 25 onns) 15.00 CHF.

9. Preventiv 2019

Il suprastant Martin Cantieni menziuna expensas pli grondas budgetadas per il project da la digitalisaziun (10'000.-) e d'in gieu da ballape cun il Cussegl naziunal (2'500.-).

Il preventiv preschentà vegn approvà unanimamain.

10. Program da lavur 2019

La PSR metta quest onn pais sin quatter projects pli gronds.

- Digitalisaziun: la suprastanta Annetta Zini menziuna che la PSR veglia metter l'accent sin la digitalisaziun. D'ina vart dovri ina collavuraziun pli coordinada en la digitalisaziun da la Rumantschia e da l'autra vart dovri datas linguisticas rumantschas accessiblas avertamain. La PSR vegn activa en quest dossier, en spezial cun empruvar da coordinar las iniziativas multifaras per la digitalisaziun. Il punct da partenza è il podium che succeda a nossa RG.
- Diaspora: Tenor la PSR èsi impurtant da crear ideas co ch'il diever dal rumantsch po vegnir promovì a l'extern dal territori da tschep rumantsch. Perquai s'engascha ella per ina

promoziun activa er en regiuns da la Val dal Rain da Cuira ed ordaifer ils cunfins dal chantun Grischun.

- 100 onns Lia Rumantscha: La PSR vegn a prender part ed a sustegnair la festa da giubileum da la Lia Rumantscha. Nus pudain contribuir cun in podium il di da lingua ils 9 d'avust 2019 a Zuoz. Las preparativas han cumenzà. Per nus èsi en mintga cas impurtant da guardar en l'avegnir e betg da mo far festa.
- Gieu da ballape Rumantschia – US Cussegl naziunal: ils 24 da settember organisescha la PSR ensemen cun Cultura Ballape Rumantscha (CBR) in gieu amicabel da ballape cunter l'equipa da ballape dal Cussegl naziunal a Münsingen en il chantun da Berna. Las commembras ed ils commembers da la PSR èn cordialmain envidads da vegnir sco fans da la Rumantschia.

En pli vul la PSR cuntinuar cun las medias e La Quotidiana, contacts cun uniuns e la Lia Rumantscha e cun la politica da linguas. Surtut la situaziun da medias vegn persequitada vinavant cun interess.

Conradin Klaiss menziuna che la Quarta Lingua vegnia a scriver ora in'occurrenza davart la digitalisaziun. Forsa fissi bun da cooperar en quella chaussa.

11. Elecziun suprastanza

Il suprastant Jon Bischoff sa retira da la suprastanza. El stat vinavant a disposiziun per lavurs da grafica e vegn commember da l'aquari. Clau Dermont engrazia a Jon Bischoff per sia buna lavur fatga en favur da la suprastanza e da la Rumantschia.

Dominic Blumenthal vegn preschentà sco nov suprastant.

La radunanza elegia il nov suprastant ensemen cun ils auters suprastants (Annetta Zini, Flurin Bundi e Martin Cantieni) per trais onns (fin il 2022). Er il copresidi (Barbla Etter e Clau Dermont) vegn reelegì per ils proxims trais onns.

La revisura Nicolina Cathomen-Gioffi è sa retratga quest onn. Sco successur dad ella vegn fatga la proposta dad eleger a Manfred Caviezel.

Ensemen cun Beat Hosang vegn el elegì per ils proxims trais onns (fin il 2022).

Clau Dermont engrazia a la revisura per sia lavur fatga en favur da la PSR.

12. Varia

Martin Cabalzar engrazia a la PSR sco schefredactor da La Quotidiana per il sustegn dapi l'entschatta da la gasetta. El è cuntent ch'i dat novas perspectivas en las medias rumantschas. Clau Dermont engrazia er a Martin Cabalzar en il num da la PSR per ses grond engaschi.

Il copresident terminescha la radunanza generala a las 19:10. I suonda il podium e la discussiun davart la digitalisaziun en la Rumantschia.

Cuira, ils 23 da mars 2019, l'actuara ad interim Annetta Zini